

PPETRI ET PAVLI APOST. 541
per dilectionē operatur. Vnde spiritaliter patris no-
men puerō imponere uolentibus, Petrus apostolus
cum Elizabeth contradicit, cum ait: Quid uultis im-
ponere iugum super ceruices discipulorum, quod ne
que nos neq; patres nostri portare potuimus: sed p
gratiam domini Iesu credimus saluari, quem admo-
dum & illi.

IN DIE SANCTO
apostolorum Petri & Pauli.

Matthæi XVI.

In illo tempore Venit Iesus in partes
Cæsareæ Philippi. Et reliqua.

Cæsareas tres legimus, duas in terra repromis-
sionis, tertiam uero in Cappadocia. Est em̄ Cæ-
sarea Palæstinæ regionis, in littore maris ma-
gni, quæ prius Turris stationis uocabatur, sed postea
ab Herode in honorem Cæsaris nobiliter reedificata,
Cæsarea est appellata. In qua idē Herodes in hono-
re Cæsaris magnificam domum albo marmore con-
struxit: ubi Herodes ab angelo percussus, eo q; nō de-
disset honorem deo, consumptus à uermibus expi-
rauit. In hac etiam Cornelius centurio à Simone
Petro baptizatus est: in ea uero quatuor filiarū Phi-
lippi uirginum sepulchra usq; hodie ostēduntur. Est
& alia Cæsarea quædam in Cappadocia, de qua Lu-
cas euāgelista in Actibus apostolorum meminit: De-
scendit Cæsaream, & salutauit ecclesiam. Tertia autē
Cæsarea est Philippi, cuius in hoc loco euāgelista me-
minit, & ipsa in terra repromissionis, quam Philippus

542 **T**IN DIE SANCTO

Herodis filius in honore **C**æsaris ad radices montis **L**ibani ædificauit: & hæc **C**æsaream **P**hilippi cognominauit, ubi duo fontes oriuntur, unus noie **I**or, alter uero **D**an, qui simul iuncti, **I**ordanè efficiunt fluiuiũ. In huius ergo partes ueniens **I**esus cum discipulis suis, interrogabat eos, dicens [**Q**uem dicunt homines esse filium hominis?] ut scilicet ubi **C**esar nummum exigebat tributi, ibi saluator nummum acciperet fidei. **N**otandũ aut, quia non ait, **Q**uè me dicunt homines esse, ne iactantes de se quærere uideret, sed, què dicunt hoies esse filium hois. **E**t cũ maioris honoris uideretur filium dei se uocari, filiũ hois se uoluit nominare, ut ostenderet in omnibus actibus humilitatẽ esse seruandam: siue certe, ne aliquis de ueritate assumptæ carnis dubitaret, frequẽtius filium hois, quã filiũ dei se uocare maluit, sicut est illud: **V**eniens filius hominis, putas inueniet fidẽ in terra? **E**t, filius hois uenturus est in gloria patris sui cum angelis suis. **E**t, **V**ulpes foueas habet, & his similia. **V**bi cunq; em̃ in latino filius hois legitur, in hebræo filius **A**dã habetur, sicut illud in **P**salmo: **F**ilij hoim usquequo graui corde? p̃ quo in hebræo habetur, filij **A**dã. **S**ed interrogati discipuli, diuersorũ opinionẽ proferunt, dicẽtes [**A**lij **I**ohannem baptistam, alij uero **E**liam, alij uero **I**eremiam, aut unum ex prophetis.] **Q**uid aut homines **E**liam aut **I**eremiã **C**hristũ putauerint, cũ ante multa curricula annorum fuisse leguntur? **S**ed hic error in populo ex stultitia gentiliũ descēderat, ut putarent aliquẽ magnum uirum post mortẽ suam sp̃m dare posse cui uellet. **Q**uo errore seductus fuerat **H**erodes, qñ audita fama de **I**esu, dixit: **I**ohannes quem ego decollauì, surrexit à mortuis, & uirtutes multæ

operant in eo. Diuersorū autē opinionibus auditis, fa-
uor ad discipulos specialiter sermonem conuertit,
& dicit: **Uos autē quem me esse dicitis?** Ac si di-
ceret. **Allis hominibus humana tantum de me opinan-**
tibus, uos, q̄ ex illis non estis, q̄a ego elegi uos de mū-
do, quem me esse dicitis? In q̄bus uerbis ostēdit, eos
in humana fragilitate humanæ naturæ meritū tran-
scendisse, & ad imitationē ueri dei quodāmodo de-
os uocari posse, iuxta illud **Psalmographi: Ego dixi,**
dij estis & filij excelsi omnes. **Respondens Simō-**
Petrus, dixit: Tu es Christus filius dei uiui.
Nō solum Petrus ordinem sui prioratus seruat, cum
interrogatus primus respondit, sed etiam magnitudi-
nem amoris ostendit. Merito ergo primus respon-
det, quia plus cæteris eum diligit. In multis nanq̄ eu-
angelij locis legimus, Petrum præ cæteris dñm disci-
pulis dilexisse, ipso domino dicente: Simō Iohānis,
diligis me plus his? Et ille: Tu scis dñe, q̄a amo te, siue
diligo. Et cū duodecim discipulis suā passionē prædi-
ceret, hoc Petrus præ magnitudine amoris ferre non
uolens, assumpsit eū secreto, & dixit ei: Propitius tibi
esto dñe, ne fiat istud. Nō em̄ decet ut filius dei gustet
mortē. Et cū imminēte articulo passiōis diceret, Oēs
uos scandalū patiemini in me in ista nocte, ille rñdit:
Eris oēs scandalizati fuerint in te, ego nunq̄ scandalī-
zabor. Cum it̄ q̄d futurū erat p̄diceret, dicens: Amē dī
co tibi, anteq̄ gallus cātet ter me negabis, Petrus de
se p̄sumēs ait: Etiam si oportuerit me mori tecū, nō te
negabo. Et cū post resurrectionē fr̄s in littore, disci-
pulis piscātibus apparuisset, audiens Petrus q̄d domi-
nus est, tunica succinxit se, & misit se in mare, & uenie-
ad Iesum. Ceteri uero discipuli nauigio uenerūt. Eius

dem ergo amoris flamma Petrus succēsus, omnibus discipulis interrogatis, primus respondit, dicēs: [Tu es Christus filius dei uiui.] In qbus uerbis fundamētum ueræ fidei decentissime declarauit. Christus em̄ græce, ab unctiōe chris̄matis nomē accepit. Et cum Christum confitetur, uerū hoīem credere docet, q nō materiali oleo, sed spiritus sancti dono unctus ē. Vñ Psalmista ait: Vnxit te deus tuus, & rel. Cum uero ad iunxit, [filius dei uiui,] uerum deum illum esse insinuat: quia quod est pater, hoc genuit, i. deus deū. Deum autem uiuum appellat, ad cōparationem falsorū deorum, qui ab hominibus dii putabantur, sed mortui erant, ut scilicet Jupiter, Saturnus, Mars, Mercurius, Venus & cætera idolorum portenta, de quibus per Prophetam dicitur: Diī qui cælum & terram non fecerunt, pereant. & rel. Et Psalmista: Omnes dii gentium dæmonia. **Respōdens autem Iesus, dixit ei: Beatus es Simon bariona.** Mercedem recipit uera confessio. Quia enim Petrus confessus est Christum filium dei uiui, merito beatificatur, & bariona, quod in nostra lingua sonat filius columbæ, à domino cognominatur. Quod enim columba spiritum sanctum significet, ipse manifestauit, quando redemptore baptizato, in specie columbæ apparuit. Bariona ergo, filius columbæ, id est, spiritus sancti dicitur: quia spiritu sancto reuelante, filium dei uiui confessus ē. Nonnulli aut̄ bariona, pro bar Iohanna scribendum putant, eo quod iuxta alij euangelij locum, filius Iohannis sit appellatus, domino dicente: Simon Iohānis, diligis me? Iohanna uero gratia dei, siue in quo est gratia, interpretatur. Merito ergo primus apostolorum Iohannis filius dicitur, q̄a non p̄-

pria uirtute, sed patris gratia reuelante filium dei cognouit. Vnde & subditur: Quia caro et sanguis non reuelauit tibi, sed pater meus qui in caelis est. Caro & sanguis in hoc loco carnalem doctrinam scribarum & pharisæorum significant, iuxta illud quod apostolus Paulus prestatatur, dicens: Continuo non acquieui carni & sanguini. Non ergo per doctrinam pharisæorum & scribarum princeps apostolorum Christum filium dei cognouit, sed patre reuelante, sicut idem filius alibi patrem glorificat, dicens: Confiteor tibi pater, domine caeli & terræ. Et ego dico tibi, quia tu es Petrus, & super hanc petram ædificabo ecclesiam meam. Ac si diceret: Quia tu me confessus es Christum filium dei uiui, & ego dico tibi, non casso uel transitorio sermone, quoniam meum dixisse, fecisse est, dico inquam tibi, quia tu es Petrus &c. Vbi non est putandum, quod nunc ei primum Petri cognomen imposuerit, sed quando euangelizante Andrea ad eum uenit, cum intuitus eum, dixit: Tu es Simon filius Iohanna, tu uocaberis Cephias, quod interpretatur Petrus, quod enim Syriace Cephias, latine Petrus dicitur. Vtrumque autem nomen ab illa petra deriuatur, de qua ait Apostolus: Petra autem erat Christus, quod autem ait, [& super hanc petram ædificabo ecclesiam meam,] tale est ac si diceret, super hanc fidem, id est, super me, quem tu confessus es, ædificabo ecclesiam meam. Fudamentum enim aliud (ait Apostolus) nemo potest ponere, præter id quod positum est, quod est Christus Iesus. Ea ergo quæ continentur, cadere non possunt, quia fixa sunt ea quæ continent. Vnde & subinfertur: Et portæ inferi non præualebunt aduersus eam. Per portas inferi in hoc loco doctrinam hæ-

reticorum accipere possumus, quæ suos auditores in infernum ruere facit. Porta ergo inferi contra ecclesiam, quæ super Christum fundata est, non præualebit: quia licet frequenter pulsata sit persecutionibus hæreticorum, tamen à fide catholica euelli non potuit. **A**liter portas inferi, uitia & peccata intelligere possumus, qualia Apostolus commemorat, dicens: Manifesta sunt opa carnis, quæ sunt fornicatio, & his similia, quæ recte portæ inferi noiantur, quia in se perseverantes ad infernū dimergunt, sicut idem Apostolus cōclusit, dicens: Qm̄ qui talia agunt, regnū dei non consequentur. Porta ergo inferi nō præualebunt aduersus ecclesiā, qualiter his uitijs & peccatis electi tentari possint, tñ in his usq; ad finē pseuerare nesciūt. **A**ut em̄ an requā uincantur uincūt, aut post lapsum cito p̄ penitentia surgunt, iuxta quod dñs a libi ait: **O**mnis qui uenit ad me, & audit sermōes meos, & facit eos, dicā uobis cui similis est: Similis est hoī ædificanti domū, qui fodit in altū. &c. **Et tibi dabo clauem regni cælorū.** Clauem regni cælorū nihil aliud, nisi ligandi & soluendi potestatem significant. Sicut em̄ clauis ad hoc in ostio ponitur, ut amici recipiantur, extranei autem excludantur: sic ligandi atque soluendi potestas iustos recipit, iniustos uero excludit. **De q̄ subditur: Et quodcūq; ligaueris super terrā &c.** **V**bi considerandum, uir iste quia tāta humilitate uocatur, ad quantam gloriam sit perductus. Quia enim relictis omnibus Christum ardentissimo amore secutus est, ad tantam celsitudinem peruenit, ut uice dei quorundam peccata relaxare, quorundam etiam retinere posset. **N**ec tamen purandum est, quod solum beato Petro hæc potestas data est, sed sicut unus pro

DE S. LAUR. MART. 547

omnibus respondit, [Tu es Christus filius dei uiui.] ita in uno omnes audierunt: Quodcumq; ligaueris super terram & reli.] Vnde cum post resurrectionem dominus discipulis suis spiritum sanctum dedisset, omnibus generaliter ait: Quorum remiseritis peccata, remittuntur eis. Nec solum apostolis hæc potestas data est, sed etiam episcopis & sacerdotibus, qui nunc eorum ordinem in ecclesia retinent, & ligandi soluediq; potestatem habent. Vnde in lege de leprosis figurally præcipit, ut si quis lepra percussus esset, ostēderet se sacerdoti, & ad eius iudicium aut eiiceret extra castra, aut reciperet: nō quod ipse leprosum mūdare, aut mūdum leprosum facere posset, sed quia ad ministerium ipsius sacerdotis pertinet, ut discernat inter lepram & lepram, id est, inter peccatum maius & minus. Hunc sensum require in euangelio in octaua Pascha.

DE SANCTO LAURENTIO martyre, Iohan. XII

In illo tempore Loquebatur Iesus cum discipulis suis in parabolis: Amen amen dico uobis, nisi granū frumēti cadens in terra mortuorum fuerit, Et reli.

Hortaturus dñs discipulos ad martyriū, suæ passionis exemplum præmisit, ut tãto minus pro eius nomine mortē pati timerent, quãto in hoc ope cælestis magistri imitatores existerēt. Ait em̄: **Amen amen dico uobis, & rel. In qbus uerbis intelligimus, qd dñs in similitudine grani frumēti se-**